

7
tzeit erfunt man sie am gewissten Aber Seneca.
also schaltu an sachn freundschaft zu haben als
das es ist unzymlich ist sie ze verlaßn. vnd dor-
vmb kumpstu an ein freund mit dem berat
dich. vnd betrachte mit ym was zu vollbringen
ist Sprach. dem freund schaltu straffen in ge-
heim vnd nicht über tisch Seneca. dem freund
strafe in geheim. vnd lob sie vor andh menschn.
Das fünft capitel. sager von der lieb gotes wie sie in vns

Die lieb gotes. die kumpt in der menschn kumpt
hertz zu vnd mut in dem glauben
hoffnung. vnd gunst Der glaub ist
ist als die leere alle sagen von dem
das der menschn nicht kan gesehen. vnd
als ym paulus in auß spricht so ist er
ein weis der dinger die vn sichtbar sein. vnd das
man in suchenden pey reden auß spricht mit
worten wie wol er vn sichtbar bleibt als ist in den
worten das offenbar. das der glaub ist in dem
hertzen in getrewen an icsal vnd y. schlechter der
menschn ist in dem glauben den do lert. vnd pre-
digt das glaubige cristen voll y. löblicher er
ist. vnd mer verdint Kunst ist dem glauben
nichten nütz als thomas spricht. dan allem
das sie von ym hübschlich vermäg ze reden.
vnd das ist dor an offenbar. das diese werlt
ist kumen in den waren glauben nicht in kunst.
sund in smertzen. vnd leyden der heiligen
marter. die des sein zezeugen gewesen. vnd
beweisen ym in gödlicher werlt mit erschred.